



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Opvs De Iudiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos &  
Festos, ab ipso Auctore confectus

**Stengel, Georg**

**Ingolstadii, 1651**

3. Ex sacra historia superbi humiliati.

**urn:nbn:de:hbz:466:1-45699**

- III.  
Iſa. 14. 13. Plexit summus iudex æternâ infamiâ superbum Spiritum,  
Luciferum, qui est fratrum suorum calumniator. Cecidit in imum,  
qui summus esse voluit; vestitus est ignominia, qui ornatus erat  
omni lapide pretioso. Adam, qui voluit esse, sicut *Dij*, humiliatus  
est, cumq; ipse, & vxor eius, tunicis pelliceis indutus, instar agro-  
ti incederet lugens, audire coactus est illa amari risus verba: *Eccer-  
ti incederet lugens, audire coactus est illa amari risus verba: Eccer-*
- Gen. 3. 22. *Adam, quasi vnus ex nobis factus est, sciens bonum & malum. Ex-*  
Gen. 11. 4. *tructores turris Babel quàm altas habuerunt cogitationes? Venite,*  
*inquirebant, faciamus nobis ciuitatem, & turrim, cuius culmen per-*  
*tingat ad calum: & celebremus nomen nostrum. Opere interrupto*  
*destiterunt, in ruborem dati, vnde nomen quæsiuerunt: vt tam-*  
*de architecto, quàm de operario per ludibrium dici posset: Hic*  
*homo cepit edificare, & non potuit consummare. Core, Dathan, &*  
*Abiron contra Moysen & Aaron superbi calumniatores, nonne,*  
*iustissimo iudicio vsque ad infernum humiliati sunt? Saul, cum,*  
*velleret magis sapere quàm Samuel, neque Deo obediret, nonne au-*  
*diuit: Pro eo, quòd abiiecisti sermonem Domini, abiicit te Dominus ut*  
*ſis rex? Sennacherib rex Assyriorum, quàm superbus, & quàm*  
*contumeliosus fuit in Iudæos, & Deum Iudæorum? quàm autem*  
*citò subuersus est cum omni exercitu suo? itaq; nihili habitus est,*  
*vt eum proprii filij Adramelech, & Sarasar in templo Nefroch*  
*crudelissimè contrucidarent. Nabuchodonosor ex fastuoso homi-*  
*mine propemodum in bestiam, certè in bestia ignobilitatem de-*  
*generauit. Holofernem alterum gradium Martem feminea*  
*manus quantum deiecit? Ipse hostis dicere coactus est: Vna mu-*  
*lier Hebraea fecit confusionem in domo regis Nabuchodonosor, ecce enim*  
*Holofernes iacet in terra, & caput eius non est in illo. Aman super-*  
*nubes gradens, seq; ipsum, præ magnitudine, non capiens, quàm*  
*ignominiosè sublimatus est? qui cum rege & regina solus in mensa*  
*accubuerat, quantum postea gentis suæ dedecus in patibulo pe-*  
*pendit, exemplum superborum? Quid Antiocho insolentius, quid*  
*miserius? quòd altiùs se se extulit, eò grauiùs à diuina vindicta per-*  
*cussus est, ita vt de corpore impij vermes scaturirent, ac viuenti in da-*  
*loribus carnes eius essluerent, odore etiam illius & fetore exercitus gra-*  
*uaretur, & qui paulò antè sidera cali contingere se arbitrabatur, enim*  
*nemo poterat propter intolerantiam factoris portare, Herodes quoq;*  
*vict-*



uterque, quàm infami morte perijt? illum pediculi, hunc illius nepotem repentina similis percussio, & subitum de cælo exitium sustulerunt. Quare in illum sic iuvenes lusimus.

*Es Dux, es Imperator, esq; legatus.*

*Optare quid vis amplius? Negas isthac?*

*Indusium inspice, copias tuas cernes.*

Alter autem Herodes vestitus veste regia, cùm sedens pro tribunali, summa lubentia audiuisset populum acclamantem: *Dei voces* & non hominis, itidem de sede graduq; deiectus superbiam condignè luit: nam *confestim percussit eum Angelus Domini, eò quòd non dedisset honorem Deo: & consumptus à vermibus expirauit.* Ita minutissima animalia in grandes illos vel Dei simios, vel persecutores immissa sunt, vt supercilium ponere, & cristas vel inuici demittere cogerentur, si à vilissimis bestijs deuorarentur, qui se ipsos Deos facere conabantur. Hoc superbiæ remedium etiam D. Chryso-  
stomus dedit, cùm dixit: *Pensa naturam nostram, ex quibus constat, & quòd desinit. Cogita, cùm dormis, quo sis dignus: nonne vel minima bestia te posses interimere?*

Diocletianus Imp. post triumphum de Persis actum, hanc tantam felicitatem, tamq; prosperum fortuna obsequium capere animo non potuit; siquidem moderatione prorsus in superbiam versà eo vsque insolentia prodijt, vt se posthac, mortalitatis oblitus, tamquam Deum adorari valuerit. Nam proijcere se homines venerabundos, atque osculum pedibus figere pati cepit, & gemmas vestibis calceiq; inseruit; cùm ante ipsum omnes Imperatores consulari tantùm salutatione contenti fuissent. solam chlamydem purpuream priuato habitui adiecissent. Is autem, vt ait Nicephorus, diuinis expetitu plagis, toto primùm corpore tumorem ingentem concepit, quo deinde varie disrupto, lentè ita emarcuit, vt blasphema eius & impia lingua, que iniquitatem in alium euomuerat, intra fauces ipsas vermium vim proferret, qui ex ore illius prorepentes fetore pessimo locum habitationis omnem reprobant. Postremò autem, more canis, quàm maximè latrans, sceleratam & nefariam cum violentia quadam exhalauit animam.

Ne quisquam sceptrà adoret, aut reges Deo æquet, ecce vel Imperatores viui à vermibus cruciantur, & purpurati Principes facti sunt pediculosi; vt non solum despiciantur, verùm etiam ve-

AA. 12: 276

S. Chryso-  
stom. 49. ad  
pop. Antio-  
chen.

IV.

Carol. Sigon:  
lib. 1. de oc-  
cid. Imp. An-  
Dm. 297. ex  
Niceph. l. 7.  
cap. 20.

V.

Y y

lut ca-